

## 80 pemain golf amatur IPT seluruh negara bersaing

**Sintok:** Kira-kira 80 pemain golf amatur dari universiti awam, institusi pendidikan tinggi (IPT) swasta, politeknik dan kolej komuniti bersaing pada Kejohanan Golf IPT 2016 yang kini berlangsung di Darulaman Golf & Country Club, Jitra.

Kejohanan kali keenam

anjuran **Universiti Utara Malaysia (UUM)** dengan kerjasama Kementerian Pendidikan Tinggi itu adalah kejohanan utama yang dianjurkan pada peringkat itu.

Pengarah Akademi Golf Nasional UUM, Prof Madya Dr Azman Yasin, berkata kejohanan turut disertai pelajar dan pemain golf amatur dari universiti negara ASEAN.



**KEJOHANAN TURUT  
DISERTAI MAHASIS-  
WA DAN PEMAIN  
GOLF AMATUR DARI  
UNIVERSITI NEGARA  
ASEAN"**

**Dr Azman Yasin,**  
Pengarah Akademi Golf  
Nasional UUM

### Wakil negara

Katanya, kejohanan bakal menjadi medan terbaik untuk mencari wakil negara ke Kejohanan Golf Universiti Dunia di Brive-La-Gaillarde, Perancis dari 22 hingga 26 Jun ini.

Sebelas kategori dipertandingkan sepanjang kejohanan tiga hari itu membabitkan kategori Lelaki Individu Gross; Lelaki Berpasukan Gross; Lelaki Individu Nett; Lelaki Berpasukan Nett; Wanita Individu Gross; Wanita Berpasukan Gross; Wanita Individu Nett; Wanita Berpasukan Nett; Lelaki Jemputan Gross; Wanita Jemputan Gross dan Jemputan Sekolah.